



**M**elo in eo loco Germanorum dux extitit, ubi nunc Vuestphali habitant. Is ingenti animo suos contra Romanos incitat, atque patriam liberare externo hoste iubet. Itaque correptis armis subito & de improviso Romanos ui aggrediunt, & M. Lollium cum copijs profligant, Aquila quintæ legiōis potiunt, & incremāt. In ignominia etiā Romani populi uiginti Cēturiones crucibus affigunt. Exinde reliqui quoq; Germanorum ad Rhenum habitantes pacem solunt, & in arma ruunt. Cæsar ergo Augustus sentiens se Gallias & conterminas prouincias tuto et quiete non posse tenere, quod crebro Germani in Romanas prouincias facilem occasionem nacti incurrerēt, onus Germanici belli Claudio Druso Neroni delegauit, ipse ab urbe ad Rheni ripam tendit. Nam Germanicis bellis, quæ per legatos administrabat, aliquoties interueniebat, aut non longè aberat, Rauennam, Mediolanum, aut Aquileiam usq; progrediens. Itaq; Drusus maximo exercitu comparato, ad Rheni ripam profectus, ibi multa castella erexit, & cum Melone ac Germanis grauissima bella habuit. Tãdem inter Rhenum & Salam flumina cum belligeraret, equo super crus eius collapsio, tricesimo die interiit. De eo Ouidius ad Liuiam Drusillam Augusti uxorem: